

廣德州志卷四十二

人物志

義行

隱逸

寓賢

方技

仙釋

義行

睦媼任卹重於周官昔人指困分金所以風高千古也桐郡風氣淳樸修士立名匹夫慕義亦足以敦古處而振頹風有美必揚載筆者之責也爰於舊登者仍之續採者增之

宋

王機字仲達建平人其先宛陵人建炎兵訌徙家建平仗

廣德州志

卷四十二

義行

一

義好施賑卹宗族歷官修武郎嘉定八年歲饑部使者

真德秀貽帖易粟機慨然應之

通志

溪南地洿沈竈機載

粟往哺民全活甚眾以其尚濮王嗣永康縣主稱為王

駙馬云

楊志

明

步祖一富而好義當塗采石山有英烈廟宋建以祀虞忠肅公允文者歲久頹圯成化辛卯知太平府施奇欲改爲未果祖一聞之以銀百兩往助遂構材興工廟貌一

新見彭時修廟記

據南畿志增

東郭老人家貧業賤僻居窮巷體無完衣晨起汲水見道
傍遺囊拾歸俄聞有徽商譁訟索於逆旅老人曰子遺
囊於道余得之彼何咎挈而授之約二百餘兩封識宛
然商德之酬以半老人曰余無此猶故我也汝無此將
無歸且余既不欲得何以半爲或曰老人名君附王其

姓也

楊志

步顯四三十一都義民出銀五百兩建明倫堂

萬曆志

性好

施歲歉代完逋稅賑濟貧民嘉靖十四年知州朱麟獎
曰常賠一州之稅屢賑饑荒之民贈匾曰先義貸賦

李志

廣德州志

卷四十二

義行

二

趙杰三十七都義民頗好文墨居喪不入私室

萬曆志

案萬曆志載義民止步趙二人楊門志皆逸之今並
列於此

許異凡庠生郡每歲徵糧南北兌運例於櫃里僉點漕額
深爲民病異凡赴院痛陳弊害數年不得歸家資幾盡
兩院疏請得免勒碑州治前至今賴之

李志

龔某

舊志失載名字

捐地十三畝零爲儒學基址有舊碑在學宮

其先世本明初宦家州人盛於德紀其事

李志

駱憲德號清溪嘉靖庚戌江南大饑詔募民出粟助賑憲

德應詔創捐鄉里獲濟州守莊以聞賜冠帶

據駱氏譜增

張大化字汝誠幼聘管世儒女既而女以痘瞽世儒請張別議婚父母將許之大化甫十歲持不可曰瞽在聘後是兒命也況瞽女既退誰復娶之耶父母聽其言及成婚後數十年愛敬不衰隆慶辛未知州鍾表其義

增

據張氏譜

姚啟宗字午明建平人庠生母病不解衣者浹二旬篤學好義見人冤抑不惜破產申雪之有誣陷大辟者啟宗仇也啟宗力為解釋有姚聞四者負啟宗五十金欲鬻

廣德州志

卷四十二 義行

三

妻以償啟宗亟焚其券生平著述亦多

通志 楊志

王應篤字時敏建平人家貧好義里人有貸金娶妻者生子十歲矣不能償欲鬻子償之應篤焚券不復索歲饑出穀二百石以賑鄉人

通志

許煉任樂平縣尉嘗拾金還人捐產膳弟

萬曆選舉志

黃時濟徽州歙縣人商於建平見衢路泥濘行旅苦之萬曆丁丑鳩工伐石北自樸樹巷抵竹墩灣南自鎮山麓抵港橋園延袤數百丈甃砌平密費至數千緡中建二亭召僧居之捨田收息以備茶薪俾勞者息渴者飲焉

邑民有鬻妻償債者捐貲全之野死者給槥邑令劉萃義之爲作永惠亭記勒石

縣志

沈通字子達誠樸人也萬厯庚辰歲饑出已粟減價以糶爲粥飼餓者郡多盜臺使倣周官鄉士遂士法鄉署一人使督捕眾相推以通任其事盜相戒不入所部

據沈氏譜

增

沈應洲字斗南磊落有智略明季賦重應洲自鄉遷城挾貲服賈山左崇禎戊辰州判某運顏料銀赴京途遇盜留滯濟甯應洲卽傾囊中四百餘金贈之後應洲回里

廣德州志

卷四十二

義行

四

州判具酒勞之西門外濯纓橋且酬以子母應洲堅卻之友盧某貸多金焚其券其尙義類是

據沈氏譜增

史大典字惇甫建平人父志尹早卒事節母宗六十年以孝聞性澹仕進邑有義舉每爲倡率崇禎十年捐三千金重建學宮又置學田五十畝咨部議給其子習孔補博士弟子員兩與鄉飲乾隆十七年邑令貢祠祀之

據縣

申稿

增

潘之藩建平人年已七十值土寇劫掠之藩率族人連保甲設禁約互相守望賊不敢窺一方賴以保全

裕志通志引

潘舒字服之建平人庠生兄弟以父喪家貧徙他郡舒置田宅招之歸歲饑出粟以賑施藥施棺鄉里稱善人

裕志

引江南通志
及安徽通志

國朝

周本蘭建平人居家孝友明末歲歉本蘭出五百石助賑里不能輸賦者代之縣令栢肯堂申院旌獎

李志

夏璿暘字睿甫建平人性好周濟順治八年旱輸穀五百石全活者眾學博蕭松齡以優行詳請給獎璿暘力

辭不受著有繼眉詩文集行世

李志
縣志

廣德州志

卷四十二

義行

五

程應桂建平人爲邑掾乙酉兵亂知縣杜鶴年家口百餘應桂多方匿之獲全初鶴年知事不可爲攜孤孫付應桂曰事勢至此吾必不免茲以一塊肉託子應桂許諾後鶴年被殺護其孫與主婦還關中邑令張正中顏

其居曰義高千古

通志
縣志

李邇泰貢生事繼母盡孝鄉賢祠圯獨力建造有貧不能婚嫁者邇泰代爲完娶凡五姓戊子歲祲設廠施粥全活甚眾死者施棺湖峴山多暴骨歲捐貲收埋之好

善樂施四十年無間

李志

濮陽遇皆字君煥家庭雍睦非公不謁有司時嚴容匿
逃匪之法株連甚眾遇皆備陳其狀於制府郎公公體
之爲寬其禁族有鬻妻償官帑者遇皆代爲償之全其
夫婦籲免地畝羨征歲歉出粟賑饑康熙十二年舉優
匾獎之曰人倫之表

李志

趙先簡字公從剛直廉介凡請建學宮及有益地方之

興作先簡輒先爲之不避勞苦康熙甲辰舉優

李志

王邦字煒先由貢生選鴻臚寺主簿逢歲稔捐穀至數
千石又施棺木修義塚牆垣樂善好施至老不倦督撫

廣德州志

卷四十二

義行

六

三加旌焉卒年八十三

李志

濮陽緒字緒人貢生性醇厚好施捨貧佃負租不取者
先後計數千石凡興作有利地方者贊襄當事竭貲任
勞無倦意康熙六十一年歲稔緒出穀賑饑多所全活
雍正二年例許郡邑人文較盛者廣入學額數眾皆觀
望緒毅然倡之道路往來之費盡出一人得增廣五名
人才奮興緒有力焉

李志

烏方新字文若建平人庠生與伯兄同居五十年無間
生平謹言行審取與有遺橐於園側者書榜召其人還

之曾與鄉飲人以古君子稱之

李志

王之詔字嘉諭建平人好義樂施親族不舉火者指困贈之年饑減穀價貸人不吝里有訟一言輒釋有王彥

方之風

李志

宗瑛字鼎光建平人貢生父早逝諸弟皆幼撫之成立析產織粟不私置田宅以供祠祭惠族眾兩遇歲歉出米千六百石有奇爲粥以食餓者他如文廟義學義倉浮橋渡口圩堤皆悉心經理置產以供歲修

李志

方珍建平人年二十五失偶一子一女呱呱待哺人勸

廣德州志

卷四十二

義行

七

之續娶珍曰吉甫放伯奇仲舒放符起豈未聞與終身不再娶年八十六卒

李志

周明徵字聖謨歲儉出米以賑州守高額曰施濟有功學宮將圯守欲因修學并創建三台閣於其左慎擇董事者眾推明徵不數月告成繼葺州廳事半載亦竣守甚重之後署守謝洪舉鄉飲賓復以恩隆憲乞獎之

周氏

譜

張家麟字兆聖篤於孝友好施不倦里有沈某將賣妻償逋議既定夫婦相持慟哭家麟聞之往讓其媒立贈

以金事遂寢有黃姓將鬻子家麟遺之金終止并常賑
其乏子得成立學正許南宮爲立傳

張氏譜

沈龍紱字復初庠生例貢乾隆辛未郡饑龍紱與弟庠
生燾鬻產賑粥丙子又饑兄弟復捐賑之自春至秋費
千金州守帥嘉其義行上之巡撫高給額曰惠周里黨
丙子之賑高元桐亦鬻田以佐適有楊某將賣妻償債

元桐聞之卽以直代償夫婦獲全

公舉下同

沈霖國學生慷慨好義乾隆丙子歲饑霖捐米二十四
石乙巳旱災又捐六十石州守穆給額獎之又出錢三

廣德州志

卷四十二

義行

八

十千助修文廟子炳庠生

王來儀字鳳威好善樂施乾隆丁亥歲祲來儀捐米二
十五石助賑復多方勸募以資接濟州守張以功同袁
佐獎之

沈綱字惇三衡之子國學生喜讀書慷慨好義乾隆壬
申已丑乙巳連遇饑疫倡捐賑米施棺城南潘老一子
痘危貧不能治綱資以醫藥東城方老死妻窘於債將
鬻養媳以償綱立與三十金止其事方所居舊鬻於綱
并焚其券郡倅左額曰積善餘慶正誼書院苦湫隘綱

請於前守石卽明舊學基別建卽今復初書院也工鉅費繁值歲侵綱常以已資濟之比落成以勞瘁致疾卒史郁建平人太學生孝事孀母年二十四喪耦遂不復娶性行端慤訓後有方乾隆三十七年年八十五以義夫詳請學使朱獎曰烏鼓鶴琴踰年卒縣申陳益先弟樹澄俱監生其父嘗諭之曰州人罕儲蓄遇荒則運糴維艱米輒騰貴汝等餘貲但多市穀凶年可平價出糴兼濟闔里之貧乏者故其家積穀頗豐乾隆乙未郡旱災益先兄弟捐米百四十餘石煮賑兩月薪

工錢幾百千州守趙勒姓名于旌善亭乙巳又大饑益先樹澄捐米三百五十石直千餘金錢五十千凡捐賑在三百兩以上例得議敘乾隆五十七年州守胡開報履歷詳請核奏此外乙未捐米以石計者雲克凝戈以甯范文邃各二十五步居易二十高灝十七裘元宰邱岳呂音各十二許占榮十一沈綱錢壽濮陽緒趙文炎裘一新張宗昉王廷和王得會王士恒沈蔡及典舖各十皆列名旌善亭時有王元明者僅有田五畝悉鬻以助賑人尤難之州守趙州判左獎以額曰義切鄉閭好

善可風盧元傑亦出米以助乙巳捐賑則戈于上出米七十石元傑又捐賑月餘州守穆贈以惠盈里閭匾王以甯字馨伯監生乾隆丙戌疫作倡施棺丙申饑倡捐煮賑州判左獎以樂善不倦善琴曉音律學正朱延教侑生焉

張觀字方伯監生善事後母致敬寡嫂乾隆辛丑捐建復初書院百金并助修 文廟先是丙申歲稔賑濟一月州守楊獎曰德溢鄉閭西鄉金剛嶺險峭砌以石所費二百餘兩行旅便之又建石橋於百畝圩之溪

李可升建平人捐布政司經歷銜乾隆乙巳歲饑捐銀三百六十兩助賑又廩生王以智捐銀三百二十兩五十七年州守胡奉藩司行查遵例開報詳請議敘

王兆鵬建平人監生自幼孝事繼母既壯父病療繼母又癱侍奉九載無頃刻離又性好施乾隆乙巳饑出米倡族捐賑邑令畢以孝友仁慈匾獎之

以上胡志自陳益先以下其人現存別以附字今節去又潘之藩潘舒兩人據裕志補入明季

宗彩成字亮采建平人附監生性慷慨急公好義乾隆

丁酉大旱捐錢八百千助賑縣令高獎給庚癸免呼匾額其孫聚軒克承先志嘉慶乙亥年旱捐錢五百千助賑縣令高以善與人同匾額獎之嗣於道光二十一年城垣傾圮捐銀壹千助修城郭得以完固

公舉

蔣邦璽建平人廩生事母孝樂善好施歲歉賑饑親族

咸受其惠

新通志

宗子貞建平人監生慷慨樂施嘉慶十三年五月蛟水暴發衝決金鎖楊賽等圩子貞施粟數十石募築金鎖堤又施錢三百千置備木石於落蓬灣築水埠圩民賴

廣德州志

卷四十二

義行

十一

之採訪冊

周丙建平人廩生富而好義道光已酉大水出粟數百石散給族人咸豐己未捐錢三千緡助軍餉庚申七月遇賊不屈死

採訪冊

呂梁字晉望道光甲午舉人年十五諸兄弟議析產梁泣諫不能止因悉推讓既長善爲人解紛鄉鄰有鬪者傷其一幾斃將訴官梁止之膳傷者於家藥之而愈事遂解道光丙午知州裕文創建豐備義倉梁勸捐以佐其成已酉官績溪教諭咸豐初以辦團有功陞甯國府

教授

參新
通志

張永祚字丙南先世徽人行賈遷廣德永祚樸誠仁厚處境困初爲人傭書算其妻善治圃植蔬果易米以佐饗飧稍有貲列肆城北凡交易無老幼皆取其一言爲信諸子或有欺必斥之嘗儲穀百石有販者按市價入錢約旬日取穀無何穀價落欲中悔諸子弗許永祚竟還其直已而穀貴利倍前永祚訓其子曰汝曹能忠厚讓人天終福汝也西鄰董我濱謂張某善人以孫女字其幼子永祚之孫光藻董出也以進士官直隸知府贈

廣德州志

卷四十二

義行

十二

如其官

公舉

董我濱字岐山居州城少貧中年以勤儉起家親沒弟妹尚幼及長爲畢婚嫁皆曲體親心善視之捐貲倡建宗祠修譜牒祀田有質於人者出已貲贖歸並增置祭產母黨貧乏婚嫁喪葬皆視如已事周恤鄉鄰飢施食寒施衣貧無殮者施以棺治家嚴肅擇友而交尤具卓識善知人東鄰某貧而好善以孫女字其幼子曰擇配以德不以貲也卒年七十四子五孫曾數十人咸以爲

積善餘慶云

公舉

張桐字鳳侶監生永祚子性孝友親沒嘗廬墓與諸兄
析產獨少無難色幼家貧及長以養親不逮爲恨每忌
辰輒流涕讀蓼莪之詩好濟人急難嘗販靛至高淳有
趙某家窘甚索逋盈室謀鬻妻償桐力阻之對眾焚其
券皆感愧去里人侯某迫於催科將改適其妻桐又阻
之代償逋賦憐侯貧月給以米家世戒食牛肉見有宰
牛者贖以錢勸改業教其子讀書志甚切嘗言吾欲積
餘貲使吾子他日居官以私財濟公勿取官錢肥己且
慮其子剛直賈禍每以論語攻其惡毋攻人之惡爲訓

歷舉古人盛德事戒勉之卒年五十六子光藻成進士
仕直隸有聲大學士祁文端曾文正先後保薦人以爲

義方之教云

公舉

以上新纂

隱逸

視軒裳如草芥屏嗜慾若泥沙斯其人視逐逐紅塵者遠矣桐之以隱逸著者宋以來間有之李志列之列女後謬也

宋

張介紹聖時人隱居城北不干榮進郡守孫諤慕其名禮之每訪以政要酬唱終日以詩贈之有竹林歲月讀書家之句嘗欲疏其學行薦於朝介固辭不就

楊志

趙平叔咸淳中人隱居城西琴山側樂松竹泉石之勝吟

廣德州志

卷四十二

隱逸

十四

咏自適構一樓以縱眺望殿院章重之題曰萬山樓庚子郡大饑發粟助賑全活者眾人稱爲潛德君子

楊志

元

湯子眞家貧力學隱居求志行式鄉閭學型士子錢尙書用壬出其門當時以爲用壬之學皆其師造就之功

楊志

盧志賢至元中隱居林下不干仕進清修峻節當時稱重

楊志

明

甯時字際之號愚谷郎中珂曾孫也性磊落不羈作詩文

口占令人書之不加點竄悉抒妙蘊從學宣城沈耕巖
沈曰甯子始而博其學無所弗函既而抑其才一求諸
道因貽書楊維斗欲薦諸朝不就隱於羲蒼山中從遊
者甚眾著有尚書說洪範解論語口授講義屈辭疏指

李志

張榜字子賢至性孝友食必思親喪必依靈尺帛不以自

私歷膺臺獎隱居青石山賦詩以終餘年

楊志

呂仲修字徂生建平人爲諸生以醇謹稱崇禎庚辰廷試
特賜進士授四川樂安知縣道梗謝官歸悠悠田間甘

廣德州志

卷四十二

隱逸

十五

茹淡薄未嘗以一刺謁公庭士論重之

楊志

國朝

戈琮字耦蒼黜華敦實嗜讀書澹於進取援例入太學
五十後足跡不入城市姻黨見者輒問學業奚似交遊
何人當意則喜或畱款竟日否則默然由是人咸敬憚
之子溱貢生有文譽琮之教也琮年七十二卒著有見

山樓詩集

公舉

以上胡志

寓賢

名賢遊歷所經山川借以增色後世傳爲美談蓋以
其人之德業聲望卓著千秋稽古者重其人兼重其
地焉郡多佳山水唐宋來高士名流每於此僑寓因
卽舊志所登訂訛補漏用資考信焉

唐

張志和本名龜齡浙江金華人由明經擢第獻策肅宗深
蒙賞重令翰林待詔授左金吾衛錄事參軍改名志和
字子同尋貶南海尉不願之任遂扁舟垂綸自謂烟波

廣德州志

卷四十二

寓賢

十六

釣徒又號元真子大歷九年秋訊顏真卿於湖州真卿
以舴艋旣敝請命更之答曰倘惠漁舟願以爲浮家泛
宅沿沂江湖之上往求苕霅之間野夫之幸矣

顏真卿撰元真

子嘗寓於州北二十五里築臺溪水之旁釣以適志意

不在魚後人重之因名其地爲釣臺

萬歷志

案萬歷志此下有郭師從乃吳越將破廣德者不可
言寓今移入兵寇

宋

王謙宛陵人建炎間避兵徙建平高蹈不仕子浩亦有隱

德浩子機官修武郎繼娶濮安王第四女永壽縣主機子元龍壽仝元剛元袞並肄進士業一門孝友及尚主士論豔之

萬曆志

案建平寓賢萬曆志列伍員王謙二人縣志以伍非流寓因與王俱附名宦後不另爲卷至王機子元龍等四人楊門及縣志俱云並登進士而選舉志無之惟王廷袞開禧進士疑廷爲元之訛而其傳又並不云是機子詳核萬曆志原文乃知元龍等並肄進士業也

廣德州志

卷四十二

寓賢

十七

潘承字子輔大名人韓國武惠公美之元孫元符進士除館職爲時宰所忌引退建炎初起爲大理評事扈蹕南渡居杭州紹興四年避兵建平遂終老焉從子良貴紹熙時中書舍人亦寓居建平後徙婺州

據縣申稿增

盛瑞字晉祥宣和間進士紹興中愛不老泉之勝卜居焉

通志

案萬曆志失載盛瑞而有王十朋謝深甫皆道經廣德南宋建都臨安道出獨松苦嶺者不一而足烏得爲僑寓今刪

景明襄陽人由孝廉任浙江明州教授訓士有方紹定時擢知江陵縣挈眷赴任道經建平素善吳應龍過訪之會父沒旅舍遂葬於邑之東郊終身守墓今景史村其

故居也

據縣申稿增

趙時晦寓居廣德死元兵之難

通志

明

倪原字本立號竹簡翁湖廣人洪武初任廣德判後寓居

南碕湖東善吟咏有詩稿傳世

萬曆志

錢德洪名寬字德洪後以字行改字洪甫餘姚人學於王

廣德州志

卷四十二

寓賢

十八

守仁時四方士踵至德洪與王畿先爲疏通大旨而後卒業於守仁嘉靖七年偕畿赴廷試聞守仁訃至貴溪終心喪後成進士累官刑部郎中尋被廢周遊四方講良知學爲人所宗穆宗朝復官進階朝列大夫學者稱

緒山先生

明史本傳

德洪遊學廣德寓復初書院

楊志

王畿字汝中山陰人弱冠舉於鄉跌宕自喜與錢德洪同學於王守仁後同第進士累官兵部郎中尋被廢益務講學足跡徧東南善談說能動人所至聽者雲集學者稱龍谿先生

明史本傳

畿來會復初書院與鄒東廓講顏子

不遷怒不貳過曰心常定故不遷心常一故不貳以醒

後學楊志

王艮字汝止初名銀泰州人學於王守仁守仁為更名早

年讀書止孝經論語大學信口談說中理解及從守仁

門弟子率多爵位艮以布衣抗其間聲名反出諸弟子

上門徒之盛與王畿相埒學者稱心齋先生陽明學派

以龍谿心齋為得其宗明史王畿傳艮言笑不苟篤信好學

來從東廓游講學復初書院楊志

沈寵舊志誤作沖

字畏思龍谿集作思畏

號古林宣城人學貫經史來

廣德州志

卷四十二寓賢

十九

從鄒東廓王畿錢德洪游講明理學領嘉靖鄉薦仕至

廣西布政司參議著有古林摘稿子懋學萬厯間官修

撰從孫壽民字眉生為諸生有聲崇禎九年保舉入都

疏劾兵部尚書楊嗣昌嘗作桐溪會引參明史楊志甯國府志

戚袞字補之號竹坡先世祥符人南渡家宣城補郡庠生

邃精于易鄒東廓判廣德時袞從之遊嘉靖間以選貢

任項城知縣政成以疾致仕嘗作動靜知行中和臆說

於師說多所發明王畿為誌墓據龍谿集增

案州署禮科有舊存祀冊內載前明復初書院為鄒

文莊講學所當時從學者有南京國子司業周友之
順天府通州判官施之修南京戶部郎中濮致昭高
郵訓導張子卿以上四人惟周友之無考餘詳傳及選舉志涇邑廩生張
士儀本郡李性甫鄭國忠張子賢儒學每歲春秋丁
日致祭文莊以諸賢附祀今二丁專祭文莊諸賢附
祀久廢特附於此以俟博考

王豫字介夫浙江烏程人萬曆丁丑進士官至福建按察
司僉事免歸講學桐川著周易翼一書方演艮卦而逝

據經義
考增

廣德州志

卷四十二

寓賢

二十

以上胡志

周廣業字耕厓海甯人博學能文富於著作乾隆辛亥
知州胡文銓延修州志寓復初書院與郡士蒐輯桐川
舊事考證精確書成稱善鄉先生詫爲不及遂畱主講
席宏獎後進校藝論文無虛日書院舊有池館手植芙
蕖盛開每至花時召友朋觴詠其間相與酬唱爲樂文
銓贈詩云汝南問字來應邵關右傳經得馬融紀實也
所著書未盡梓行採訪冊
蔡禹門以字行湖州人道光時寓州城通岐黃術求診

者必徒步往視遂以醫名一時性伉爽嗜飲或置酒以招之應時而至貧無歸客游以老

採訪册

丁嘉禾字半農歸安人道光時署州判芮模子嘉禾攜其子彥臣同寓州署芮模以隸書名一時禾得其傳篆籀鑄刻悉臻精妙求書者接踵不索贈兵後遺墨無存猶有道其姓氏者卒於湖彥臣亦工隸書軍功保舉官

至山東督糧道

採訪册

以上新纂

廣德州志

卷四十二

寓賢

二十一

方技

曲學小道致遠者所弗爲然其濟世利物效亦可觀
桐之精藝事者僅矣舊志遂闕今略採姓名補之

宋

洪德風精天文家言州有汪九成者庚寅生於隆興二年
上元甲申歲正月作坤申方犯太歲月破月入中順行
壬申金加臨其方尅庚刑寅金沖木命當月暴病至夏
漸重八月人道轉到坤申遇德風修報此方以本命主
日主命宮主曜氣中避仇難趨恩福用神內調赦解到

廣德州志

卷四十二

方技

二十二

方位秋分中局一宮甲子逆遁甲申八艮庚寅二坤以
艮加坤乾六山地剝六二已巳官五坤六四丙戌父在
乾六五丙子子在兌上九丙寅才到艮順遁乙奇在坤
以艮加坤八白生門在坤申歲入中順遁本命祿馬甲
申陽貴戊寅食祿辛亥俱在坤月入中順遁本命陰貴
壬午五坤得令當權癸酉月選辛未開日生氣在坤選
庚寅時比助身強月德五坤辛未日以庚寅爲陽貴合

時上貴人格修後病除無恙

魏青江宅譜三
書修方卻病門

國朝

巫山字雲岫號景崖庠生治岐黃家言以郡無名師走
謁西昌喻嘉言先生自是術益精家故饒藥籠每攜葭
連等藥救人不求償也州守李疾羣醫束手山投二劑
立瘥人問其故答曰無他北人用北藥耳視脈決壽夭
多中人皆神之三子皆遊庠亦知醫巫氏譜
潘仍桂字我生建平人武庠生能詩善畫蘭康熙壬寅
以无妄逮繫廉使獄日以畫蘭自娛獄卒售之頗得利
畫由此益精越二年得釋歸酒酣興至始一下筆索者
盈門其妾亦善畫然不及仍桂之蒼老也縣申

廣德州志

卷四十二

方技

二十三

洪遠侯精幼科活人甚眾州守李周先後贈額曰理精
保赤功同慈乳李守國相又以杏林宣績獎之公舉

沈之驤字台存初習舉業後習醫亦精幼科得洪氏祕
傳丸丹療治如神之驤子諒爲懷垂簾一肆遠近就視
者盈門毫不計值壽七十八終子廷銓字金源繼父業
謹愿如其父事親以孝稱鄉里有疑難廷銓排解之眾
皆折服乾隆甲辰鄉飲介賓現年七十三公舉

以上胡志

李承彝字牧舟咸豐年貢生爲人恂恂儒雅工楷書尤

善畫花卉有生動之趣獨擅其妙

載名駒建平人 貢生工詩文善書學董文敏邑人有
藏奔者

郎煥章建平人庠生精傷科凡折足損臂求視者盈門
無不立效

宋欽佑建平人附生少游京師爲奇門遁甲之學以疾
歸咸豐六年賊撲城戒居民無驚十年春登城四顧曰
速走百里無人烟矣其言果驗

以上新纂

仙釋

二氏語涉虛無故先儒闢之而史傳猶列之者以其
悟入希夷道參元妙亦自有深造自得之一境耳因
取舊志所載加之考補至王婆井投丹化醴之類移
載別門

漢

張真君諱渤句容人或云烏程人嘗學道於橫山師事竇
林禪師昕夕禮斗道成就山巔構北斗殿明萬曆十二
年知州陸長庚修其舊址得巨礎凡四乃真君遺蹟也

廣德州志

卷四十二 仙釋

二十五

萬曆志互
詳祠廟

徐僊不知何許人南畿志明一統
志俱作徐真人州南十里有山擇而居
焉即今丹井山也就山鑿井煉丹丹成仙去至今遺井

尚存萬曆
志

唐

蒼仙不知何許人愛羲蒼山之勝隱居焉不笑不語時見
時隱莫測其端所居有雲棲巖洗藥澗玉女峯升仙臺
煉丹崖遺跡宛然後人爲立祠羲蒼山中萬曆
志

元

王當陽元初遇異人能幻化之術後遊武當山歸於郡南
平頂山建昇平道院修煉其中撰精語後端坐而化時
年九十餘矣

明一統志

案南畿志明一統志所載仙釋止徐真人王當陽二人今據萬曆志首張真君又增蒼仙

明

許真君成化間至建平淨覺寺書一詩於几上字跡高半寸許其詩曰一派水流清繞徑數株松柏冷當門我來
經宿逢秋晚踏破西階碧蘚痕寺前有塘因真君浴其

廣德州志

卷四十二 仙釋

二十六

中遂名神仙塘

楊志

孔師居正德間建平白鶴觀道士也嘗遇異人授以祕籙能呼吸風雨驅役鬼神禁蛟召鶴斬魅禳星年八十尸

解仙去

通志

以上仙

漢

寶林禪師有神術常就橫山巔一石朝夕屈膝其上諷誦
經典間出閒遊後不知所終今蟠龍亭卽石壇故址

志

萬曆

唐

智通禪師居橫山石壇虔心求道日誦法華一遍年八十
有六山神現羅漢形焉

萬曆志

惠靜咸通中結菴竹林巒翁鬱惠靜初至手植荳蔬輒
有麋兔擾之因告山靈曰畱老僧駐錫當絕此害自是
麋兔屏跡其感應如此光化三年縣宰趙信爲改名瑞

峯永安禪院

據李約記增詳寺觀

宋

契嵩多智慧能徹禪家宗旨崇甯中賜名曰明教嵩禪師
并賜寺額曰明教禪寺明太祖題橫山詩有曰上有禪

廣德州志

卷四十二

仙釋

二十七

師悟透關

通志萬曆志

元

亮公日本僧成宗大德七年入中土至州北之橫嶺嶺之
陽五峯森列愛其地勝遂結菴焚修焉名曰圓照年一
百八十示寂作偈云日出扶桑是我家隨波逐浪到中
華眼前光景般般別惟有寒梅一樣化成化間州守陸

鳳爲記

據陸記及亮禪師語錄增

善會字無一長沙徐氏子出家湘山嘗參雪巖欽公於仰
山見樓前樹倒有悟至大間來主東山海智禪寺因更

建石溪禪寺平章昔利哈刺監郡哈那海皆執弟子禮
天厯己巳入吳泊舟一寺前呼僧語曰吾舟速矣汝舟
何遲眾莫測良久問今日何日答曰十一月十一日無
一卽沐浴更衣笑謂眾曰何天非吾夜旦何地非吾游
戲場耶吾其逝矣遂化時年六十八還葬寶珠峯下僕
文質爲塔銘後有頑石瑱公上錫伽黎至元照又範銅

造佛云

互詳
寺觀

明

顯全號無礙建平人本姓鄭幼祝髮入開法寺天資穎悟

廣德州志

卷四十二

仙釋

二十八

與其徒晝夜坐講堂演說人罕識之明正德丁丑年五
月十五日預示七月二十二日涅槃至期集眾誦經入
定而逝寺僧瘞其骨於殿北建塔焉

楊志

行果建平人不知其姓名自言初爲州庠生與五花巖紹
源禪師爲方外交崇禎甲申後祝髮於宜興之龍池寺

爲記室後歸五花巖終焉

據行果撰五花
巖蘭若記增

國朝

僧了悟順治初人幼未嘗讀書爲石溪寺執爨誠篤不
欺四十歲後漸能識字通文理且工書今敲噐遺風獨

露堂二匾其手蹟也

公舉

以上釋

宋

仙姑者宋時凌氏女父景文無子禱於亭山而生年十八未嘗見其言笑會久旱禱雩無應姑忽曰亭山我所生也盍隨我往祈焉卽盥浴易衣步行赤日中宗族異而從之登山拜祝畢烈風晦冥暴雨如注眾驚走失姑所在明晨視之則坐化山巔矣村人立祠祀之姑性好衣白因號白衣三娘至今禱雨有應

據凌氏譜增

白佛姓梅琳塘陳氏甥女姊妹三人佛第三幼慕宗旨共

廣德州志

卷四十二

仙釋

二十九

誓不嫁宋紹興五年俱坐化大楊樹下鄉人伐木置水

中逆流而上因刻木祀之香火不絕

楊志

以上胡志